



Broj: 01/14-11-704-5/23
Sarajevo, 13.03.2023. godine

Na osnovu člana. 70. stav (1) Zakona o javnim nabavkama BiH ("Službeni glasnik BiH", br.:39/14 i 59/22), a u vezi sa članom 38. Statuta Grada Sarajeva ("Službene novine Kantona Sarajevo", broj 34/08, - Prečišćeni tekst), gradonačelnica Grada Sarajeva, donosi

ODLUKU

o izboru najpovoljnijeg ponuđača putem Konkurentskog zahtjeva

I

Prihvata se ponuda ponuđača PZU - Poliklinika „AGRAM“ Sarajevo, Trg međunarodnog prijateljstva 20, 71000 Sarajevo, za predmet nabavke „Usluge sistematskog pregleda za uposlenike Grada Sarajeva“, u postupku provođenja javne nabavke putem Konkurentskog zahtjeva sa ukupnom ponuđenom cijenom u iznosu od 12.900,00 KM nakon provedene e-aukcije.

II

Sa ponuđačem PZU - Poliklinika „AGRAM“ Sarajevo, Trg međunarodnog prijateljstva 20, 71000 Sarajevo, zaključit će se ugovor o pružanju usluga.

III

Ova odluka stupa na snagu danom donošenja.

Obrazloženje:

Odlukom o pokretanju nabavke putem Konkurentskog zahtjeva broj: 01/14-11-704-2/23 od 16.02.2023. godine i Odlukom o izmjeni Odluke o pokretanju nabavke putem Konkurentskog zahtjeva broj 01/14-11-704-4/23 od 23.02.2023. godine, pokrenut je postupak javne nabavke za „Usluge sistematskog pregleda za uposlenike Grada Sarajeva“ putem Konkurentskog zahtjeva.

Obavještenje o nabavci objavljeno je na portalu Agencije za javne nabavke broj: 1278-7-2-18-3-22/23 od 21.02.2023., te ispravka obavještenja broj: 1278-7-2-18-8-25/23 od 24.02.2023. godine

Sa portala Agencije za javne nabavke, tendersku dokumentaciju je preuzelo 9 ponuđača, a ispravku tenderske dokumentacije je preuzelo 8 ponuđača.

U određenom roku za dostavljanje ponuda na protokol ugovornog organa zaprimljene su tri ponude i to:

1. Zdravstvena ustanova „Zavod za zdravstvenu zaštitu radnika u saobraćaju“ Sarajevo, Kolodvorska 10, 71000 Sarajevo
2. PZU - Poliklinika „AGRAM“ Sarajevo, Trg međunarodnog prijateljstva 20, 71000 Sarajevo
3. PZU Poliklinika „Altamedica Beta“, Zmaja od Bosne 7, 71000 Sarajevo



Komisija za javnu nabavku, imenovana Rješenjem broj: 01/14-04-2107/23 od 16.02.2023. godine, na sastanku održanom dana 10.03.2023. godine, uvidom u Izvještaj o preuzimanju tenderske dokumentacije sa portala Agencije za javne nabavke utvrdila da ponuđač PZU Poliklinika „Altamedica Beta“, Zmaja od Bosne 7, 71000 Sarajevo, nije preuzeo tendersku dokumentaciju sa portala Agencije za javne nabavke, te stim u vezi ista se isključuje iz daljnjeg postupka javne nabavke i bit će vraćena ponuđača neotvorena.

Komisija je pristupila otvaranju ponuda te utvrdila cijene prispjelih ponuda i to kako slijedi:

	Broj protokola	Ponuđač	Ukupna cijena Ponude bez PDV-a	Ponuđeni popust	Ukupna cijena Ponude sa popustom sa PDV-om
1.	14-11-2500/23	ZU „Zavod za zdravstvenu zaštitu radnika u saobraćaju“ Sarajevo , Kolodvorska 10, 71000 Sarajevo	15.490,00	4%	14.870,00
2.	14-11-2505/23	PZU - Poliklinika „AGRAM“, Trg međunarodnog prijateljstva 20, 71000 Sarajevo	34.032,00	56%	14.968,00

Nakon otvaranja ponuda, Komsijaje izvršila detaljnu analiza prispjelih ponuda, gdje je utvrdila da ponude ponuđača Zdravstvena ustanova „Zavod za zdravstvenu zaštitu radnika u saobraćaju“ Sarajevo i PZU- Poliklinika „AGRAM“ ispunjavaju uslove koji su propisani tenderskom dokumentacijom.

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje e-aukcije putem portala Agencije za javnu nabavku.

Nakon provedene e-aukcije i dostavljenog Izvještaja o toku i završetku e-aukcije od strane Agencije za javne nabavke, utvrđena je konačna rang lista ponuđača koji su učestvovali u e-aukciji i to kako slijedi:

R. broj	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	Agram Poliklinika	4201369280007	12.900,00	13,82%	1
2.	Zavod za zdravstvenu zaštitu radnika u saobraćaju Sarajevo	4200187710000	12.925,00	13,08%	2

Komisija za javnu nabavku sačinila je Zapisnik o pregledu i ocjeni ponuda od 10.03.2023. godine, te dala preporuku gradonačelnici da se ugovor za pružanje usluga – „Usluge sistematskog pregleda za uposlenike Grada Sarajeva“, dodijeli ponuđaču PZU Poliklinika „AGRAM“ Sarajevo, Trg međunarodnog prijateljstva 20, 71000 Sarajevo, sa ponuđenom cijenom u ukupom iznosu od 12.900,00 KM .

Potvrdom Uprave za indirektno - neizravno oporezivanje, Regionalni centar Sarajevo, broj: 04/5-1/II-17-1-43-379/23 od 23.01.2023. godine, ustanovljeno je da PZU - Poliklinika „AGRAM“, Trg međunarodnog prijateljstva 20, 71000 Sarajevo, nije upisan u Jedinostveni registar obveznika indirektnih poreza.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu novi Obrazac za cijenu ponuda koji je usklađen sa cijenom nakon provedene e-aukcije, kako bi ugovorni organ mogao vršiti praćenje i realizaciju ugovora.

Novi Obrazac za cijenu ponude potrebno je popuniti u skladu sa članom 8. Pravilnika o uslovima i načinu korištenja e-aukcije, kojim je propisano „**da ukoliko se tehnička specifikacija sastoji od više pozicija, tada se svaka od pozicija umanjuje za isti procenat koliko iznosi konačno procentualno umanj enje ukupne cijene postignute nakon e-aukcije te se na tako umanjenu cijenu nudi zaključivanje ugovora najpovoljnijem ponuđaču**“.

Prihvatajući preporuku Komisije gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu putem ugovornog organa u dovoljnom broju primjeraka.

Za zakonitost odgovaraju:

Obrada: Nejra Selimović

Šef Odjeljenja za javne nabavke: Suada Kovačević

Rukovodilac Stručne službe za poslove kabineta i poslove Gradske uprave: Aida Bajramović

Gradonačelnica

Doc.dr. Benjamina Karić

Dostaviti:

- ponuđačima

- a/a